

十  
八  
家  
詩  
鈔

十八家詩鈔卷二十三目錄

黃山谷七律二百八十六首

附山谷之兄  
大臨詩五首

贈鄭郊

和游景叔月報三捷

贈惠洪

崇甯二年正月己丑夢東坡先生於寒溪西山之間予誦  
寄元明觴字韻詩數篇東坡笑曰公詩更進於曩時因  
和予一篇語意清奇予擊節賞歎東坡亦自喜於九曲  
嶺道中連誦數過遂得之

王聖美三子補中廣文生

次韻柳通叟寄王文通

次韻王定國揚州見寄

寄黃幾復

次韻幾復和答所寄

同子瞻韻和趙伯充團練

送顧子敦赴河東三首

寄上叔父夷仲三首

詠雪奉呈廣平公

次韻宋楙宗傲居甘泉坊雪後書懷

次韻宋楙宗三月十四日到西池都人盛觀翰林公出遊

次韻張昌言給事喜雨

次韻奉酬劉景文河上見寄

和答元明黔南贈別

贈黔南賈使君

次韻黃斌老晚游池亭二首

次韻楊君全送酒長句

次韻少激甘露降太守居桃葉上

次韻奉答少激紀贈二首

次韻文少激推官祈雨有感

次韻馬荊州

贈李輔聖

和高仲本喜相見

和中玉使君晚秋開天甯節道場

自巴陵略平江臨湘入通城無日不雨至黃龍奉謁清禪

師繼而晚晴邂逅禪客戴道純款語作長句呈道純

新喻道中寄元明用觴字韻

湖口人李正臣蓄異石九峰東坡銘曰壺中九華竝爲作

詩崇甯元年五月二十日庭堅繫舟湖口李正臣持此

詩來東坡已下世矣感歎不足因次前韻

追和東坡題李亮功歸來圖

次韻雨絲雲鶴二首

次韻文安國紀夢

次韻德孺五丈惠貺秋字之句

宜陽別元明用觴字韻

廖致平送綠荔支爲戎州第一王公權荔支綠酒亦爲戎

州第一

次韻李任道晚飲鎖江亭

再次韻兼簡履中南玉三首

罷姑熟寄元明用觴字韻

胡逸老致虛菴

送劉季展從軍鴈門二首

徐孺子祠堂

送徐隱父宰餘干二首

答德甫弟

何造誠作浩然堂陳義甚高然頗喜度世飛昇之術築屋  
飯方士願乘六氣遊天地間故作浩然詞一章贈之

池口風雨留三日

思親汝州作

次韻戲答彥和

衝雪宿新寨忽忽不樂

郭明父作西齋於穎尾請予賦詩二首

戲詠江南土風

和答孫不愚見贈

次韻裴仲謀同年

次韻寄滑州舅氏

病起次韻和稚川進叔倡酬之什

稚川約晚過進叔次前韻贈稚川竝呈進叔

和答登封王晦之登樓見寄

伯氏到濟南寄詩頗言太守居有湖山之勝同韻和

同世弼韻作寄伯氏濟南兼呈六舅祠部學士



世弼惠詩求舜泉輒欲以長安酥共泛一杯次韻戲答

次韻蓋郎中率郭郎中休官二首

和張沙河招飲

閏月訪同年李夷伯子真於河上子真以詩謝次韻

次韻郭右曹

次韻元日

次韻答柳通叟求田間舍之詩

過平輿懷李子先時在并州

謝送宣城筆

寄懷公壽

讀曹公傳

懋宗奉議有佳句詠冷庭叟野居庭堅於庭叟有十八年  
之舊故次韻贈之

李濠州挽詞二首

衛南

奉送劉君昆仲

勸交代張和父酒

次韻寅菴四首

附大臨詩四首

次韻張祕校喜雪三首

和師厚郊居示里中諸君

和師厚秋半時復官分司西都

次韻外舅謝師厚喜王正仲三丈奉詔禱南嶽回至襄陽  
捨驛馬就舟見過三首

以十扇送徐天隱

聞致政胡朝請多藏書以詩借書目

汴岸置酒贈黃十七

題落星寺三首

叔父釣亭

次韻胡彥明同年羈旅京師寄李子飛三章

元豐癸亥經行石潭寺見舊和栖蟾詩甚可笑因滅柎滅

稿別和一章

出迎使客質明放船自瓦窑歸

次韻奉寄子由

再次韻奉答子由

再次韻寄子由

附大臨奉寄子由元唱

次韻寄上七兄

吉老受秋租輒成長句

再次韻和吉老

寄黃從善

登快閣

題息軒

題安福李令朝華亭

寄舒申之戶曹

和七兄山積湯

弈碁二首呈任公漸

次韻吉老寄君庸

寄袁守廖獻卿

廖袁州次韻見答竝寄黃靖國再生傳次韻寄之

袁州劉司法亦和予摩字詩因次韻寄之

次韻奉答吉老竝寄何君庸

次韻奉答廖袁州懷舊隱之詩

觀王主簿家醪臠

次韻元翁從王夔玉借書

去歲和元翁重到雙澗寺觀余兄弟題詩之篇總忘收錄

病中記憶成此詩

登贛上寄余洪範

同韻和元明兄知命弟九日相憶二首

題槐安閣

子範傲巡諸鄉捕逐羣盜幾盡輒作長句勞苦行李

喜太守畢朝散致政

戲贈南安倅柳朝散

次韻君庸寓慈雲寺待韶惠錢不至

次韻奉答存道主簿

題神移仁壽塔

送高士敦赴成都鈐轄

次韻漢公招七兄

題李十八知常軒

次韻奉答吉鄰機宜

送曹黔南口號

清明

二月丁卯喜雨吳體爲北門留守文潞公作

漁父二首

古漁父

題楊道人默軒

用幾復韻題伯氏思堂

贈別幾復

趙令許載酒見過

和答趙令同前韻



趙令答詩約攜山妓見訪

次韻賞梅

次韻答李端叔

戲題葆真閣

戲贈惠南禪師

寄別說道

李大夫招飲

南康席上贈劉李二君

光山道中

過方城尋七叔祖舊題

新息渡淮

初望淮山

宿廣惠寺

初至葉縣

和答王世敬

陳氏園詠竹

哀逝

迎醕甫夫婦

河舟晚飲呈陳說道

次韻任君官舍秋雨

目錄

題樊侯廟二首

和答任仲微贈別

和仲謀夜中有感

書睢陽事後

漫書呈仲謀

登南禪寺懷裴仲謀

次韻答任仲微

夏日夢伯兄寄江南

同孫不愚過昆陽

寄頓二主簿時在縣界首部夫鑿石塘河

次韻答蒲元禮病起

春祀分得葉公廟雙鳧觀

送陳氏女弟至石塘河

戲贈頓二主簿

孫不愚引開元故事請爲移春檻因而贈答

答和孔常父見寄

次韻伯氏謝安石塘蓮花酒

題雙鳧觀

從陳季張求竹竿引水入廚

呈王明復陳季張

陳季張有蜀芙蓉長飲客至開輒翦去作詩戲之

再贈陳季張拒霜花二首

送杜子卿歸西淮

雪中連日行役戲書同僚

呈李卿

六月閔雨

既作閔雨詩是夕遂澍雨夜中喜不能寐起作喜雨詩

子既不得葉遂過洛濱醉遊累日

曹村道中

秋懷二首

次韻伯氏寄贈蓋郎中喜學老杜詩

蓋郎中惠詩有二強攻一老不戰而勝之嘲次韻解之  
雨晴過石塘畱宿贈大中供奉

次韻奉和仲謨夜話唐史

答龍門潘秀才見寄

寄張仲謀次韻

客自潭府來稱明因寺僧作靜照堂求予作

飲韓三家醉後始知夜雨

張仲謨許送河鯉未至戲督以詩

和答張仲謨泛舟之詩

食瓜有感

道中寄公壽

去賢齋

粹老家隔簾聽琵琶

道中寄景珍兼簡庾元鎮

次韻景珍除醪

呈馬粹老范德孺

雨過至城西蘇家

謝仲謀示新詩

紅蕉洞獨宿

春雪呈仲謀

和答劉太博攜家遊廬山見寄

次韻伯氏戲贈韓正翁菊花開時家有美酒

答李康文

送彭南陽

送鄧愼思歸長沙

景珍太傅見示舊倡和蒲萄詩因而次韻

喜念四念八至京

和呂祕丞

次韻子高卽事



次韻寄藍六在廣陵

再和寄藍六

戲書效樂天

講武臺南有感

孫不愚索飲九日酒已盡戲合一篇

辱粹道兄弟寄書久不作報以長句謝不敏

秋思

希仲招飲李都尉北園

贈謝敞主博諭

和答郭監簿詠雪

題司門李文園亭

南屏山

七臺峰

疊屏巖

靈壽臺

仙橋洞

靈椿臺

雲溪石

羣玉峰

夜觀蜀志

行役縣西喜雨寄任公漸大夫

戲題水牯菴

癸亥立春日煮茗於石屯寺見庚戌中盛二十舅中叔爲  
縣時題名歎此寺不日而成衰縣學弊而不能復

次韻答任仲微

何主簿蕭齋郎贈詩思家戲和答之

南安試院無酒飲周道輔自贛上攜一榼時時對酌惟恐  
盡試畢僕夫言尙有餘樽木芙蓉盛開戲呈道輔

贈清隱持正禪師

奉答固道

奉答聖恩講論語長句

次韻清虛同訪李園

次韻清虛

次韻清虛喜子瞻得常州

次韻公秉子由十六夜憶清虛

和王明之雪

與黔倅張茂宗

史天休中散挽詞

宋夫人挽詞

四月未天氣陡然如秋遂御袂衣游北沙亭觀江漲

十八家詩鈔卷二十三目錄

善化黃維申襄校

十八家詩鈔卷二十三

湘鄉曾國藩纂 合肥李鴻章審訂 東湖王定安校

黃山谷七律二百八十六首

贈鄭郊

高居大士是龍象。草丈人非熊羆。不逢壞衲乞香飯。唯見白頭垂釣絲。鴛鴦終日愛水鏡。菡萏晚風凋舞衣。開徑老禪來煮茗。還尋密竹逕中歸。

山谷以元豐六年解官太和過武甯間惟

清上人當至延恩寺因謁鄭郊問消息題

此詩於鄭郊草堂之壁大士指惟清也丈人指鄭郊也壞衲句謂惟清尙未來延恩也白頭句謂郊也老禪指延恩長老法安

也師

和游景叔月報三捷

漢家飛將用廟謀復我匹夫匹婦讐真成折筆禽胡月不是黃

榆牧馬秋幄中已斷匈奴臂軍前可飲月氏頭願見呼韓朝渭

上諸將不用萬戶侯元祐二年八月禽西蕃首領果莊青宜結

誼與姚兕所攻破者師雄有絕句四首

贈惠洪

吾年六十子方半槁項頂螺忘歲年韻勝不減秦少覲氣爽絕

類徐師川不肯低頭拾卿相又能落筆生雲煙脫卻衲衫一作

著蓑笠來佐涪翁刺釣船

崇甯二年正月己丑夢東坡先生於寒溪西山之間予誦

寄元明觴字韻詩數篇東坡笑曰公詩更進於曩時因

和予一篇語意清奇予擊節賞歎東坡亦自喜於九曲

嶺道中連誦數過遂得之

天教兄弟各異方不使新年對舉觴作雲作雨手翻覆得馬失馬心清涼何處胡椒八百斛誰家金釵十二行一邱一壑可曳尾三沐三釁取刳腸

王聖美三子補中廣文生

聖美名子部

王家人物從來遠今見諸孫總好賢三級定知魚尾進一鳴已作鴈行連愧無藻鑑能推轂願卷囊書當贈錢

此句當是饋以書籍故曰當贈

錢歸去雄誇向兒姪舍中犢子膾狂頭

晉書石勒之母曰杖牛爲犢子時多能破車

次韻柳通叟寄王文通



故人昔有凌雲賦。何意陸沈黃綬閒。陸沈莊子注曰人申頭白隱者譬無水而沈也  
眼花行作吏兒婚女嫁望還山。心猶未死杯中物。春不能朱鏡裏顏。  
寄語諸公。官湔拔割雞令得近鄉關。

次韻王定國揚州見寄

清洛思君晝夜流。北歸何日片帆收。元豐中導洛水入汴河謂之清洛二句謂山谷在汴  
京晝夜思王猶清洛水。未生白髮猶堪酒。垂上青雲卻佐州。飛

雪堆盤鱸魚腹。明珠論斗煮雞頭。平生行樂自不惡。豈有竹西歌吹愁。

寄黃幾復

元注云乙丑年德平鎮作

我居北海君南海。寄鴈傳書謝不能。桃李春風一杯酒。江湖夜

雨十年燈持家但有四立壁治病不斲三折肱想得讀書頭已

白隔溪猿哭瘴溪藤

幾復時在廣州四會故曰南海曰瘴溪

次韻幾復和答所寄

山谷跋此詩云丁卯歲幾復至吏部改官和子乙丑在德平鎮所寄詩也

海南海北夢不到會合乃非人力能地偏未堪長袖舞夜寒空

對短檠燈相看鬢髮時窺鏡曾共詩書更曲肱作個生涯終未

是故山松長到天藤

二句言二以官爲生涯終不可也人俱不能歸隱

同子瞻韻和趙伯充團練

金玉堂中寂寞人仙班時得共朝真兩宮無事安磐石萬國歸

心有老臣家釀可供開口笑侍兒工作捧心顰醉鄉乃是安身

處付與升平作幸民

金玉句指趙謂宗室富貴之家而能自處於寂靜也仙班句謂東坡與趙同在朝列

也兩宮指宣仁后及哲宗也老臣指文呂諸公

送顧子敦赴河東三首

子敦名闡元祐元年七月祔少監顧臨為河東轉運使

頭白書林二十年印章今領晉山川紫參可掘宜包貢

潞州出紫團參

青鐵無多莫鑄錢

河東大通監西冶十餘萬勸課農桑誠有道折衝樽

俎不臨邊要知使者功多少看取春郊處處田

任注云欲其務本業以厚民

家在江東不繫懷愛民憂國有從來月斜汾沁催驛馬雪暗岢

嵐傳酒杯塞上金湯唯粟粒胸中水鏡是人才遙知更解青牛

句一寸功名心已灰

青牛謂老子乘青牛車也句當謂功成名遂身退之語

攬轡都城風露秋行臺無妾護衣篝虎頭墨妙能頻寄馬乳葡

萄不待求上黨地寒應強飲兩河民病要分憂猶聞昔在軍興

日一馬人閒費十牛

漢官儀尚書郎入直臺中女侍史二人執香爐燒薰以從入使護衣服行臺句謂顯

未攜家往耳末二句在注云元豐四年陝西用兵河東困於征調故十耕牛之費僅給一戰馬

寄上叔父夷仲三首

夷仲名廉元祐初爲都大提舉成都府路推茶陝西買馬

少年有功翰墨林中歲作吏幾陸沈庖丁解牛妙世故監市履  
豨知民心萬里書來兒女瘦十月山行冰雪深夢魂和月繞秦  
隴漢節落毛何處尋

艱難聞道有歸音部曲霜行璧月沈王春正月調玉燭使星萬

里朝天心頗令山海藏國用乃見縣官恤民深經心隴蜀封疆

守必有人材備訪尋

任云廉奉使在元祐元年八月而三年正月除右司郎中則入奏蓋在二年之冬也

關寒塞雪欲嗣音燕鴈拂天河鯉沈百書不如一見面幾日歸

來兩慰心弓刀陌上望行色兒女燈前語夜深更懷父子東歸  
得手種江頭柳十尋

詠雪奉呈廣平公

宋 祖 盈

連空春雪明如洗忽憶江清水見沙夜聽疏疏還密密曉看整  
整復斜斜風迴共作婆婆舞天乃一作巧能開頃刻花政使盡情  
寒至骨不妨桃李用年華

次韻宋楸宗儼居甘泉坊雪後書懷

漢家太史宋公孫漫逐班行謁帝閣燕領封侯空有相蛾眉傾

國自難昏家徒四壁書侵坐馬瘦三山葉擁門

元稹望雲驩歌曰騰鸞三山尾

株直山谷此句川官清馬骨高之意安得風帆隨雪水江南石上對窪尊

次韻宋楸宗三月十四日到西池都人盛觀翰林公出遊

金狨繫馬曉

驚邊

任注金狨謂狨毛金色

不比春江上水船人

語車聲喧法曲花光樓影倒晴天

國朝禁從皆跨狨鞍

化鶴三千歲海上看羊

十九年還作遨頭驚俗眼

蜀人好游樂謂成都帥爲遨頭此借用

風流文物屬蘇

仙

次韻張昌言給事喜雨

三雨全清六合塵詩翁喜雨句凌雲埴漂戰蟻餘追北柱擊乖

龍有裂文滅去鮮肥憂玉食

謂朝廷以早故減常膳

徧宗河嶽起鱸蒸謂徧

走羣望以禱雨

聖功惠我豐年食未有涓埃可報君

次韻奉酬劉景文河上見寄

省中岑寂坐雲窗忽有歸鴻拂建章

歸鴻用鳳寄書事

珍重多情惟石

友琢磨佳句問潛郎

石友指劉潛郎山谷自謂

遙憐部曲風沙裏不廢平生

翰墨場想見

哦詩煮春茗向人懷抱去關防

和答元

明黔南贈別

紹聖二年山谷年五十一歲以國史事爲蔡卞所中傷謫黔州安置與其

兄元夔峽四月廿三日到黔州後元明別去

萬里相看忘逆旅三聲清淚落離腸朝雲往日攀天夢夜雨何

時對榻涼急雪鵲鵲相竝影驚風鴻鴈不成行歸舟天際常回

首從此頻書慰斷腸

贈黔南賈使君

綠髮將軍領百蠻橫戈得句一開顏少年圯下傳書客老去崆

峒問道山春入鶯花空自笑秋成梨棗爲誰攀何時定作風光

主待得征西鼓吹還

春入二句任云故園無主之意國藩按此詩蓋送賈出行者山谷放臣既少歡豫賈

又出巡城中無主故待賈征西還日鶯花梨棗皆有主耳

次韻黃斌老晚游池亭二首

按第二首亦見東坡集題作東園夢神遊作夢神州

路入東園無俗駕忽逢佳士喜同遊綠荷菡萏稍覺晚黃菊拒  
霜殊未秋客位正須懸榻下主人自愛小塘幽老夫多病鬢江  
上頗憶平生馬少游

岑寂東園可散愁膠膠擾擾夢神遊萬竿苦竹旌旗卷一部鳴

蛙鼓吹休雨後月前天欲冷身閑心遠地常幽杜門謝客恐生

謗且作人閒鵬鷗游



次韻楊君全送酒長句

君全名琳  
神州人

扶衰卻老世無方，唯有君家酒未嘗。  
秋入園林花老眼，茗搜文字響枯腸。  
醉頭夜雨排檐滴，杯面春風繞鼻香。  
不待澄清遣分送，定知佳客對空觴。

次韻少激甘露降太守居桃葉上

金莖甘露薦齋房，潤及邊城草木香。  
薺實葉閒天與味，成蹊枝

上月翻光羣心愛，戴葵傾日萬事驅。  
除葉隕霜任云山谷意謂  
微宗踐祚羣心

欣戴如日之方升奸回  
屏斥如霜之肅殺也玉燭時和君會否，舊臣重疊起南荒。

次韻奉答少激紀贈二首

少激名抗  
臨邛人

詩來清吹拂衣巾，句法詞鋒覺有神。  
今日相看青眼舊，他年肯

作白頭新

范諷詩惟有南山與君眼相逢不改舊時青

文如霧豹容窺管氣似靈犀

可辟塵慙愧

相期在臺省無心枯木豈能春

文章藻鑑隨時去

人物權衡逐勢低楊子墨池春草遍武侯祠

廟曉鶯嘯書帷寂寞知音少

幕府流連要路迷顧我何人敢推

輓看君桃李合成蹊

少激登元祐三年進士第時東坡知貢舉東坡謫竄時去而勢移矣三四句言蜀國樓槍五六句言交

舊彫疏少激與坡皆蜀人故因坡貶而言蜀中蒼涼之狀

次韻文少激推官祈雨有感

窮儒憂樂與民同

况朱輪職勸農終日齎鹽供一飯幾時膚

寸冒千峰未須邱垤占

鳴鶴祇要雷霆起臥龍從此滂沱徧枯

槁愛民天子似仁宗

次韻馬荊州

六年絕域夢刀頭判得南還萬事休誰謂石渠劉校尉來依絳  
帳馬荊州霜鬢雪鬢共看鏡菜糝菊英同送秋他日江梅臘前  
破還從天際望歸舟馬城字中玉山山谷自館閣遷貶故以劉向  
自比荊州卽漢之南郡故以中玉比馬融也

贈李輔聖

交蓋相逢水急流八年今復會荊州已回青眼追鴻翼謂將逐  
遠行使黃塵沒馬頭謂不復浮沈京洛風塵間也舊管新收幾妝鏡流坎  
止一虛舟相看絕歎女博士筆研管絃成古邱元注云女博士  
謂輔聖後房孔

君也於文藝無  
所不能皆妙絕

和高仲本喜相見

按東坡集亦載此詩  
題云贈仲勉子文

雨昏南浦曾相對

山谷自蜀放還過萬州曾  
見仲本萬州即唐南浦郡

雪滿荊州喜再逢

有子才如不羈馬知公心是後彫松閑尋書冊應多味老傍人

門似更慵何日晴軒觀筆硯一尊相屬要從容

和中玉使君晚秋開天甯節道場

徽宗以十月十日降誕  
爲天甯節開啟蓋九月

日十

江南江北盡雲沙車騎東來風旆斜倒影樓臺開紫府得霜籬  
落贖黃花釣溪築野收多士航海梯山共一家想見星壇祝堯  
壽步虛聲裏靜無譁

自巴陵略平江臨湘入通城無日不雨至黃龍奉謁清禪

師繼而晚晴邂逅禪客戴道純款語作長句呈道純山

以元豐六年過武甯延恩寺訪問惟清時年三十九歲至是崇甯元年復至武甯黃龍寺年五十八歲閱十九

矣年

山行十日雨霑衣幕阜峰前對落暉野水自添田水滿晴鳩卻

喚雨鳩歸靈源大士天眼惟清禪師號靈源雙塔老師諸佛機死惠南

於黃龍山祖心禪師死亦葬南公塔東號雙塔白髮蒼顏重到此問君還是昔人非

新喻道中寄元明用觴字韻

中年畏病不舉酒孤負東來數百觴喚客煎茶山店遠看人穫

稻午風涼但知家裏俱無恙不用書來細作行一百八盤攜手

上至今猶夢繞羊腸山谷以崇甯四年四月省元明於萍鄉同住十五日而去任注以爲別後所作然獲

稱殊不類四月閒事未知其審末二句指元明送山谷至黔中時事

湖口人李正臣蓄異石九峯東坡先生銘曰壺中九華竝  
爲作詩後八年自海外歸過湖口石已爲好事者所取  
乃和前篇以爲笑實建中靖國元年四月十六日明年  
當崇甯之元五月二十日庭堅繫舟湖口李正臣持此  
詩來石旣不可復見東坡亦下世矣感歎不足因次前

韻

有人夜半持山去頓覺浮嵐暝翠空試問安排華屋處何如零  
落亂雲中能迴趙璧人安在已入南柯夢不通賴有霜鐘難席  
卷袖椎來聽響玲瓏末二句言壺中九華石雖爲人偷取而石鐘山則不能偷去猶可聽其音響

追和東坡題李亮功歸來圖

今人常恨古人少。今得見之誰謂無。欲學淵明歸作賦。先須摩詰畫成圖。小池已築魚千里。隙地仍栽芋百區。朝市山林俱有累。不居京洛不江湖。

次韻雨絲雲鶴二首

煙雲杳靄合中稀。霧雨空濛密更微。園客繭絲抽萬緒。蛛蝥網面單羣飛。風光錯綜天經緯。草木文章帝籽機。願染朝霞成五色。爲君王補坐朝衣。

幾片雲如薛公鶴。精神態度不曾齊。安知隴鳥樊籠密。便覺南鵬羽翼低。風散又成千里去。夜寒應上九天栖。坐來改變如蒼

狗試欲揮毫意自迷

次韻文安國紀夢

文勳字安國

道人偶許俗人知法喜非妻解養兒夜久金莖添沆瀣室虛壁  
月映琉璃遠來醉俠恩恩去近出詩仙句句奇獨怪區區踐繩  
墨相逢未省角巾欹

次韻德孺五丈惠貺秋字之句

范純粹字德孺崇甯二年正月謫黃州別駕鄂州居

生

少日才華接貴游老來忠義氣橫秋未應白髮如霜草不見丹

砂似箭頭

言未應鬢髮遽白豈不見有卻老之丹砂耶

顧我今成喪家狗期君早作

濟川舟漢家宗社英靈在定是寒儒浪自愁

言區區憂國之心徒過計耳

區區憂國之心徒過計耳



宜陽別元明用觴字韻

霜須八十期同老酌我仙人九醞觴

元注云術者言吾兄弟皆壽八十近得重醞法甚妙

明月灣頭松老大永思堂下草荒涼

明月灣永思堂皆在雙井堂在先墓之側故以永思

爲名千林風雨鶯求友萬里雲天鴈斷行別夜不眠聽鼠齧非關

春茗攬枯腸

廖致平送綠荔支爲戎州第一王公權荔支綠酒亦爲戎

州第一

王公權家荔支綠廖致平家綠荔支試傾一杯重碧色使剝干

顆輕紅肌撥醅葡萄未足數堆盤馬乳不同時誰能同此勝絕

味唯有老杜東樓詩

次韻李任道晚飲鎖江亭

任道名任梓人寓江津二十餘年鎖江亭在戎州之東今敘州

也

西來雪浪如魚烹兩岸一鞏乃可橫  
忽思鍾陵江十里

唐改豫章曰鍾

陵山谷自思鄉里也

白蘋風起穀紋生酒杯未覺浮蟻滑  
茶鼎已作蒼蠅

鳴歸時共須落日盡亦嫌持盞僕屢更

再次韻兼簡履中南玉三首

李侯詩律嚴且清諸生廢載筆縱橫  
句中稍覺道戰勝胸次不使俗塵生  
山繞樓臺鐘鼓晚江屬石磯碁杵鳴  
鎖江主人能致酒願渠久住莫終更

江津道人心源清不繫虛舟盡日橫  
道機禪觀轉萬物文彩風

流被諸生與世浮沈惟酒可隨時憂樂以詩鳴江頭一醉豈易

得事如浮雲多變更

鎖江主人江津道人李侯皆謂李任道也

鎖江亭上一樽酒山自白雲江自橫李侯痘褐有長處不與俗

物同條生經術貂蟬續狗尾文章瓦釜作雷鳴古來寒士但守

節夜夜抱關聽五更

經術二句指當時誦法王氏之學者抱關用蕭望之事

罷姑熟寄元明用觴字韻

追隨富貴勞牽尾

太玄經勤首曰勞牽不于其鼻于尾弊范注曰牽牛不於鼻而於尾故勞弊

田園略濫觴本與江鷗成保社聊隨海燕度炎涼未栽姑熟桃

李徑卻入江西鴻鴈行別後常同千里月書來莫寄九迴腸

胡逸老致虛菴

藏書萬卷可教子遺金滿籬常作災能與貧人共年穀必有明  
月生蚌胎山隨宴坐盡圖出水作夜窗風雨來觀山觀水皆得  
妙更將何物污靈臺

送劉季展從軍鴈門二首

元豐七年公年  
四十在德州

劉郎才力耐百戰蒼鷹下韝秋未晚千里荷戈防犬羊十年讀  
書厭藜藿試尋北產汗血駒莫殺南飛寄書鴈人生有祿親白  
頭可令一日無甘饌

石跌谷中玉子瘦金剛窟前藥草肥仙家耕耘成白壁道人煮  
掘起風痲絳囊璀璨思盈斗竹畚香甘要百圍到官莫道無來  
使日日北風鴻鴈歸

代州五臺山有仙人迹石巖出美石金剛  
旗出藥草三句五句皆承石言四句六句

皆承  
草言

徐孺子祠堂

以下外集○歲  
申年廿四歲

喬木幽人三畝宅，生芻一束向誰論。  
籐蘿得意干雲日，簫鼓何心進酒樽。  
白屋可能無孺子，黃堂不是欠陳蕃。  
古人冷淡今人笑，湖水年年到舊痕。

送徐隱父宰餘干二首

元豐五年壬戌  
年三十八歲

地方百里身南面，翻手冷霜覆手炎。  
贅壻得牛庭少訟，長官齋馬吏爭廉。  
邑中丞掾陰桃李，案上文書略米鹽。  
治狀要須問豈弟，此行端爲鱗威嚴。  
贅壻句用唐書張允濟傳事  
長官句用唐書馮元淑傳事

天上麒麟來下瑞，江南橘柚閒生賢。

謂徐孺生於南昌也

玉臺書在猶騷

雅

承首句  
言徐陵

孺子亭荒祇草煙

承次句  
言徐樨

半世功名初墨綬同兄文

字敵青錢割雞不合庖丁手家傳風流更著鞭

答德甫弟

丁未廿  
三歲

鳥嘯花發獨愁思憐子三章怨慕詩鴻鴈雙飛彈射下鵲鴿同

病急難時功名所在猶爭死意氣相須尚不移

史注云相須  
當作相傾何

况極天無以報林回投璧負嬰兒

元注時以父事  
兄弟俱在縲絏

何造誠作浩然堂陳義甚高然頗喜度世飛昇之術築屋

飯方士願乘六氣遊天地間故作浩然詞二章贈之

廿四  
歲

公欲輕身上紫霞瓊糜玉饌厭豪奢百年世路同朝菌九鑰天

關守夜。義霜檜左。紋空白鹿。金鑪同契。漫丹砂。要令心地閑。如水萬物浮沈共我家。

萬物浮沈共我家。清明心水徧河沙。無鉤狂象聽人語。露地白牛看月斜。小雨呼兒藝桃李。疏簾幃客轉琵琶。塵塵三昧開門戶。不用丹田養素霞。

史注云詩意勸以釋氏三昧勿學道家修養之法

池口風雨三日

池口卽今池州府江口山谷之官太和縣自此經過

孤城三日風吹雨。小市人家只菜蔬。水遠山長雙屬玉。身閑心苦一春鋤。翁從旁舍來收網。我適臨淵不羨魚。俯仰之間已陳迹。莫窗歸了讀殘書。

思親汝州作

戊申廿四歲

歲晚寒侵遊子衣，拘留幕府報官移。富鄭公以前宰相判汝州山谷爲葉縣尉九月至汝

州吏責其愆期五更歸夢三千里，一日思親十二時。車上吐茵

拘酷至歲晚元不逐市中有虎，竟成疑。言丞相不以爲罪，吏或說之三人成虎耳。秋毫得失關何

事，總爲平安書到遲。言事本極小而傳播故鄉老母懸念也。

次韻戲答彥和。元注彥和年四十棄官杜門不出。○戊申廿四歲。

本不因循老鏡春，江湖歸去作閑人。天於萬物定貧我，智效一

官全爲親布袋形骸增。偃額傳熾錄布袋和尚形裁腰股感錦額皤腹此借以喻彥和之肥偉。錦

囊詩句愧清新，杜門絕俗無行迹。相憶猶當遣化身。

衝雪宿新寨，忽忽不樂。辛亥廿七歲在葉縣

縣北縣南何日了，又來新寨解征鞍。山銜斗柄三星沒，雪共月

七律 葉縣 卷一



明千里寒小吏忽一作時須束帶故人頗問不休官江南長盡  
捐雲竹歸及春風斬釣竿

郭明父作西齋於穎尾請予賦詩二首辛亥

貧貧自以官爲業聞說西齋意凜然萬卷藏書宜子弟十年種  
木長風煙未嘗終日不思穎想見先生多好賢安得雍容一樽  
酒女郎臺下水如天女郎臺在穎州汝陰縣西北

東京望重兩并州郭丹遂有汾陽整綴旒子儀翁伯入關傾意氣

解林宗異世想風流郭泰君家舊事皆青史今日高材未白頭莫

倚西齋好風月長隨三徑古人遊

戲詠江南土風辛亥廿七歲

十月江南未得霜。高林殘水下寒塘。飯香獵戶分熊白。酒熟漁家擘蟹黃。橘摘金苞隨驛使。禾舂玉粒送官倉。踏歌夜結田神社。游女多隨陌上郎。

和答孫不愚見贈

辛亥廿七歲

詩比淮南似小山。酒名麴米出雲安。且憑詩酒勤春事。莫愛兒郎作好官。簿領侵尋台相筆。風埃蓬勃使星鞍。小臣才力堪爲掾。敢學前人便挂冠。

五六句謂因奉台相之筆牘而困於簿領。因迎使星之鞍馬而困於風埃也。

次韻裴仲謀同年

時仲謀爲舞陽尉。己酉廿五歲。

交蓋春風汝水邊。客牀相對臥僧氊。舞陽去葉纔百里。賤子與公俱少年。白髮齊生如有種。青山好去坐無錢。煙沙篁竹江南

岸輸與鷓鴣取次眠

次韻寄滑州舅氏

熙甯三年庚戌廿六歲是年四月壬午右正言李常落祕閣校理降太常博士

通判滑州常字公擇山谷之舅也

舫齋聞有小溪山便是壺公謫處天想聽瑣窗深夜雨似看葉水上江船瞻相白馬津亭路寂寞雙鳧古縣前舅氏知甥最疏嬾折腰塵土解哀憐

病起次韻和稚川進叔倡酬之什

池塘夜雨聽鳴蛙老境侵尋每憶家白髮生來驚客鬢黃梁炊熟又春華百年不負膠投漆萬事相依葛與瓜勝日主人如有酒猶堪扶病覓鶯花

稚川約晚過進叔前韻贈稚川竝呈進叔

人騎一馬鈍如蛙行向城東小隱家道上風埃迷皁白堂前水  
竹湛清華我歸河曲定寒食公到江南應削瓜樽酒光陰俱可  
惜端須連夜發園花

和答登封王晦之登樓見寄

辛亥廿七歲

縣樓三十六峰寒

少室山在登封縣西南有三十六峰

王粲登臨獨倚欄清坐一

番春雨歇相思千里夕陽殘詩來嗟我不同醉別後喜君能自  
寬舉目盡妨人作樂幾時歸得釣鯢桓

伯氏到濟南寄詩頗言太守居有湖山之勝同韻和

李公

滑州通判知鄂州湖州又移齊州卽濟南也○戊午三十四歲

西來黃犬傳佳句。知是陸機思。陸雲歷下樓臺。追把酒。舅家賓客厭論文。山椒欲雨好雲氣。湖面逆風生水紋。想得爭棊飛鳥上。行人不見祇聽聞。

同世弼韻作寄伯氏濟南兼呈六舅祠部學士

戊午

山光掃黛水接藍。聞說樽前愜笑談。伯氏清修如舅氏。濟南蕭灑似江南。屢陪風月乾吟筆。不解笙簧醉舞衫。祇恐使君乘傳去。拾遺今日是前銜。

世弼惠詩求舜泉輒欲以長安酥共泛一杯次韻戲答

舜泉

河北酒名

寒齋薄飯畱佳客。蠹簡殘編作近鄰。避地梁鴻真好學。著書揚

子未全貧玉酥鍊得三危露石火燒成一片春沙鼎探湯供卯  
飲不憂問字絕無人

次韻蓋郎中率郭郎中休官二首

己未三十五歲

仕路風波雙白髮閑曹笑傲兩詩流故人相見自青眼新貴卽  
今多黑頭桃葉柳花明曉市荻身蒲筍上春洲定知聞健休官  
去酒戶家園得自由

世態已更千變盡心源不受一塵侵青春白日無公事紫燕黃  
鸝俱好音付與兒孫知伏臘聽教魚鳥逐飛沈黃公壚下曾知  
味定是逃禪入少林

和張沙河招飲

張侯耕稼不逢年過午未炊兒女煎腹裏雖盈五車讀囊中能  
有幾錢窵况聞縑素尙黃葛可怕雪花鋪白瓊誰料丹徒布衣  
得今朝忽有酒如川

閏月訪同年李夷伯子真於河上子真以詩謝次韻

戊午三十

四歲

十年不見猶如此

自治平丁未與李同唱第至是十一年矣

未覺斯人歎滯留白壁

明珠多按劍濁涇清渭要同流日晴花色自深淺風軟鳥聲相  
應酬談笑一樽非俗物對公無地可言愁

次韻郭右曹

己未

閱世行將老斲輪那能不朽見仍雲歲中日月又除盡聖處功

夫無半分秋水寒沙魚得計南山濃霧豹成文古心自有著鞭  
地尺璧分陰未當勤

次韻元日

紹聖元年甲戌五十歲

會朝四海登圖籍絳闕青都想盛容春色已知回寸草霜威從  
此霽寒松飲如嚼蠟初忘味事與浮雲去絕蹤四十九年蘧伯  
玉聖人門戶見重重

前一歲十二月山谷謫授涪州別駕黔州安置故此詩有霜威嚼蠟等語

次韻答柳通叟求田問舍之詩

少日心期轉繆悠蛾眉見妬且障羞但令有婦如康子安用生  
兒似仲謀橫笛牛羊歸晚徑捲簾瓜芋熟西疇功名可致猶回  
首何況功名不可求



過平輿懷李子先時在并州

平輿縣隸蔡州○辛亥解葉縣尉時作

前日幽人佐吏曹  
我行隄草認青袍  
心隨汝水春波動  
興與并門夜月高  
世上豈無千里馬  
人中難得九方皋  
酒船魚網歸來是  
花落故溪深一篙

謝送宣城筆

宣城變樣蹲

一作尊

雞距諸葛名家捋

一作將

鼠鬣一束喜從公處

得千金求買市中無  
漫持墨客摹科斗  
勝與朱門飽蠹魚  
愧我初非草玄手  
不將閑寫吏文書

李公擇在宣城令諸葛生作雞距法題云草玄筆以寄孫莘老

寄懷公壽

熙寧五年壬子廿八歲

好賦梁王在日邊  
重簾複幕鎖神仙  
莫因酒病疏桃李  
且把春

愁付管絃愚智相懸三十里榮枯同有百餘年及身強健且行樂一笑端須直萬錢

讀曹公傳

並序

曹公自以勳高宰衡文對西伯蟬蛻揖讓之中而用漢室於家巷更黨錮之災義士忠臣耘除略盡獻甯之閒北面朝者拱而觀變漢魏何擇焉彼見宗廟社稷之無與也執太阿而用其穎以司一世之命左右無不得意引後宮於鈇鉞如刈蒲茅夫匹婦婢使得罪家人猶爲謝過而親北面受命之君自以爲未知死所嗚呼厲憐王其誰曰過言雖然終已恭讓腹毒而色取仁任不以

易漢姓者何也漢之末造雖得罪於社稷骨鯁之臣而猶不得罪於民故猶相與愛其名耳余聞曰道揆以上惠不足而明有餘不在社稷而數有功矣盛殆其不繼哉感之作曹公詩一章

南征北伐報功頻劉氏親爲魏國賓畢竟以丕成霸業豈能於漢作純臣兩都秋色皆喬木二祖恩波在細民駕馭英雄雖有術力扶宗社可無人

楸宗奉議有佳句詠冷庭叟野居庭堅於庭叟有十八年之舊故次韻贈之庭叟有佳侍兒因早朝而逸去其後乃插椒藩甚巖密

城西冷叟半忙閑。人道王陽得早還。四望樓臺皆我有。一原花  
竹住中間。初無狗盜窺籬落。底事蛾眉失鎖關。每爲朝天三十  
里。時時驚枕夢徧班。

李濠州挽詞二首

循吏功名兩漢中。平生風義最雍容。魚遊濠上方云樂。鵬在承  
塵忽告凶。挂劍自知吾已許。脫驂不爲涕無從。百年窮達都歸  
盡。淮水空圍墓上松。

禮數最優徐孺子。風流不減謝宣城。那知此別成千古。未信斯  
言隔九京。落日松楸陰隧道。西風簫鼓送銘旌。善人報施今如  
此。隴水長寒嗚咽聲。

衛南

今年春鋤棄春耕折葦枯荷繞壞城白鳥自多人自少污泥終  
濁水終清沙場旗鼓千人集漁戶風煙一笛橫唯有鳴鷗古祠  
柏對人猶是向時情白鳥句用杜詩江湖多白鳥人少豺虎多二句之意

奉送劉君昆仲

游子歸心日夜流南陔香草可晨羞平原曉雨半槐夏汾上午  
風初麥秋鴻鴈要須翔集早鶴鴿無憾急難求欲因行李傳家  
信姑射山前是晉州

勸交代張和父酒

辛亥廿七歲

風流五日張京兆今日諸孫困小官作尹大都如廣漢畫眉仍

復近長安。三人成虎事多有。眾口鑠金君自覓。酒興情親俱不淺。賤生何取馨交歡。

次韻寅菴四首

寅菴山谷之兄  
名大臨字元明

四詩說盡菴前事。寄遠如開水墨圖。略有生涯如谷口。非無卜肆在成都。傍籬榛栗供賓客。滿眼雲山奉宴居。閑與老農歌帝力。年豐村落罷追胥。

兄作新菴接舊居。一原風物萃庭隅。陸機招隱方傳洛。翰思歸正在吳。五斗折腰慙僕妾。幾年合眼夢鄉閭。白雲行處應垂淚。黃犬歸時早寄書。

大若塘邊獨網魚。小桃源口帶經鋤。詩催孺子成雞柵。茶約鄰

翁掘芋區苦棟狂風寒徹骨黃梅細雨潤如酥此時睡到日三

丈自起開關招酒徒

未怪窮山寂寞居此情常與世情疏誰家生計無閑地大半歸  
來已白鬢不用看雲眠永日會思臨水寄雙魚公私連負田園  
薄未至妨人作樂無

附大臨詩四首並序

雙井嫩蘆之東得勝地一區長林巨麓危峰四環泉甘

土肥可以結茅菴居是在寅山之類命曰寅菴喜成四

詩遠寄魯直可同魏都士人共和之

一溪婉婉如平篆四野青青似畫圖阮客放船迷湖岸化

人攜杖到清都山中安用名丞相天下於今得曠居我卽

其開構宮室預愁帝夢有華胥

山前有路到華胥下卽乾坤極海隅西接洞庭開曉楚東

人籬有路到華胥下卽乾坤極海隅西接洞庭開曉楚東

人籬有路到華胥下卽乾坤極海隅西接洞庭開曉楚東

手把齊民種時書莎杉臺笠事耘鋤夏栽醉竹餘千筒春  
糞辰瓜滿百區早種旋春膏麩糞新梁炊熟自樵蘇日西  
杖屨行山口招得鄰丁作飲徒  
招得鄰丁作飲徒山家荷蕪蓋胷疏就根煨筍連黃籩利  
蒂栽瓜帶綠齒羹熟澤山親射鷄膾成溪上自嘗魚遠懷  
羊仲荒三徑能似林間今日無

次韻張祕校喜雪三首

落月煙沙靜渺然好風吹雪下平田瓊瑤萬里酒增價桂玉一  
炊人少錢學子已占秋食麥廣文何憾客無羶睡餘強起還詩  
債臘裏春初未隔年

巷深朋友稀來往日晏兒童不掃除雪裏正當梅臘盡民饑可  
待麥秋無寒生短棹誰乘興光入疏櫺我讀書官冷無人供美  
酒何時卻得步兵廚



滿城樓觀玉闌干，小雪晴時不共寒。潤到竹根肥臘筍，暖開蔬  
甲助春盤。眼前多事觀游少，胸次無憂酒量寬。聞說壓沙梨已  
動會須鞭馬躡泥看。

和師厚郊居示里中諸君

籬邊黃菊關心事，窗外青山不世情。江橘千頭供歲計，秋蛙一  
部洗朝醒。歸鴻往燕競時節，宿草新墳多友生。身後功名空自  
重，眼前樽酒未宜輕。

和師厚秋半時復官分司西都

熙寧十年詔復都官鄆  
中謝景初權藩郡通判

遙知得謝分西洛，無復宵彈冠上塵。闕地除瓜猶入市，水田收  
秫未全貧。杜陵白髮垂垂老，張翰黃花句句新。還與老農爭坐

席青林同社賽田神

次韻外舅謝師厚喜王正仲三丈奉詔禱南嶽回至襄陽

捨驛馬就舟見過三首

王存字正仲熙寧九年十一月詔安南行營將士疾病者眾罷

王存禱南嶽

漢上思見龐德公別來悲歎事無窮  
聲名藉甚漫前日須鬢索然成老翁  
家釀已隨刻漏下園花更開三四紅  
相逢不飲未爲得聽取百鳥啼  
恩恩謝師厚廢居於鄧王左丞存其妹壻也奉使過之夜至其家謝有詩云倒著衣裳迎

女前盧時兒

能來問疾好音傳  
蹇步昏花當日痊  
烹鯉得書增目力  
呼兒扶立候門前  
游談取重慙犀首  
居物多羸昧計然  
惟有交親等金

石白頭忘義復忘年

語言少味無阿堵冷

一作冰

雪相看有此君燈火詩書如夢寐

麟圖書屬浮雲平章息女能爲婦歡喜兒曹解綴文憂樂同科

惟石友別離空復數朝暉

以十扇送徐天隱

元符三年庚辰五十六歲

人貧鷺鴈貼鄰牆公貧琢詩聲繞梁坐客有羶吾不愛暑榻無  
扇公自涼黨錮諸君尊孺子建安七人先偉長遣奴送箠非爲  
好恐有佳客或升堂

聞致政胡朝請多藏書以詩借書困

萬事不理問伯始籍甚聲名南郡胡遠孫白頭坐郎省乞身歸

來猶好書。手鈔萬卷未闕筆。心醉六經還荷鋤。願公借我藏書目。時送一鷓開籙魚。

沐岸置酒贈黃十七

黃名幾復

吾宗端居繁。百憂長歌勸之肯出遊。黃流不解宛明月。碧樹爲我生涼秋。初平羣羊置莫問。叔度千頃醉卽休。誰倚柁樓吹玉笛。斗杓寒挂屋山頭。

題落星寺三首

星官遊空何時落。著地亦化爲寶坊。詩人晝吟山入座。醉客夜愕江撼牀。蜜蜂房各自開牖。戶蟻穴或夢封侯王。不知青雲梯幾級。更借瘦藤尋上方。

巖巖正俗先生廬其下宮亭水所都北辰九關隔雲雨南極一  
星在江湖相黏蠓山作居室聚繫混沌無完膚萬鼓春撞夜濤

湧驅龍莫睡失明珠

落星開士深結屋龍閣老翁來賦詩小雨藏山客坐久長江接

天帆到遲宴寢清香與世隔畫圖妙絕一作無人知元注云僧

而塞山拾蜂房各自開戶牖處處煮茶藤一枝此詩舊題云題

得畫最妙一時所  
三詩非一時所  
作故語有重複

叔父鈞亭丙午廿二歲

檻外溪風拂面涼四圍春草自鉏荒陸沈霜髮爲鈞直柳貫錦  
鱗緣餌香影落華亭千尺月夢通岐下六州王麒麟臥笑功名

骨不道山林日月長

次韻胡彥明同年驕旅京師寄李子飛三章一章道其困窮二章勸之歸三章言我亦欲歸耳胡李相甥也故有檳榔之句

看除日月坐中銓一歲應無官九遷蔥韭盈盤市門食詩書滿

枕客牀瓊雷連節物孤朋酒惱亂鄰翁謁子錢誰料丹徒布衣

侶困窮且忍試新年首句按唐制三銓選士曰尚書銓曰侍郎中銓曰侍郎東銓宋有侍郎左右選胡彥

明隸左選故日中銓

丁未同升鄉里賢胡與山谷以治平四年丁未同登第別離寒暑未推遷蕭條羈

旅深窮巷早晚聲名上細瓊碧嶂清江元有宅白魚黃雀不論

錢檳榔一斛何須得李氏弟兄佳少年

畏人重祿難堪忍閱世浮雲易變遷徐步當車飢當肉鉏頭爲  
枕草爲氈元無馬上封侯骨安用人閒使鬼錢不是朱門爭底  
事清溪白石可忘年

元豐癸亥經行石潭寺見舊和栖蟾詩甚可笑因滅拊滅  
稿別和一章

千里追尋兩蝸角百年得意大槐宮空餘祇夜數行墨不見伽  
黎一臂風俗眼只如當日白我顏非復向來紅浮生不作游絲  
上卽在塵沙逐轉蓬

出迎使客質明放船自瓦窰歸

鼓吹喧江雨不開丹楓落葉放船回風行水上如雲過地近嶺  
南無鴈來樓閣人家捲簾幕菰蒲鷗鳥樂灣洄惜無陶謝揮斤  
手詩句縱橫付酒杯

次韻奉寄子由

半世交親隨逝水幾人圖畫入淩煙春風春雨花經眼江北江  
南水拍天欲解銅章行問道定知石友許忘年脊令各有思歸  
恨日月相催雪滿顛山谷之兄元明寄子由詩云鐘鼎動名淹  
州鹽酒稅也子由思東坡山谷  
思元明故曰脊令各有恨也

再次韻奉答子由

蠶尾銀鉤寫珠玉剡藤蜀繭照松煙似逢海若談秋水始覺醯



雞守寶天何日清揚能覩面祇今黃落又凋年萬錢買酒從公  
醉一鉢行歌聽我顛

再次韻寄子由

想見蘇耽攜手僊青山桑柘冒寒煙麒麟墮地思千里虎豹憎  
人上九天風雨極知難自曉雪霜甯與菌爭年何時確論傾樽

酒醫得儒生自聖顛

元注云  
出素問

附大臨奉寄子由元唱

鐘鼎功名淹管庫朝廷翰墨寫風煙遙知道院頗岑寂定  
是壺中第幾天歷下笑談漫一夢江南消息又餘年動心  
忍性非無意吏部如今信大顛

次韻寄上七兄

學得屠龍長縮手鍊成五色化蒼煙誰言遊刃有餘地自信無

功可補天。嘒鳥笑歌。追暇日飽牛耕。鑿望豐年。荷鋤端欲相隨。  
去邂逅青雲。恐疾顛。

吉老受秋租。輒成長句。

吉老太和丞也。

黃花事了。綠叢霜蟋蟀。催寒夜。牀愛日。捃收如盜。至失時。鞭  
撲奈民瘡。田夫婦。肩頰擔。江北江南。稼滌場。少忍飛糠。眯君  
眼。要令私廩上公倉。

再次韻和吉老

今日僕姑晴。自語愁陰。前日雪鋪牀。三冬一雨。禾頭溼百斛。幾  
痕牛領瘡。民欲與翁歸。作臘公方無事。可開場。相勤凍坐。眞成  
惡愧。我偷閑飽太倉。

寄黃從善

辛亥二  
十七歲

故人千里隔談經。想見牛刀刃發礪。渴雨芭蕉心不展。

渴雨見  
雲漢詩

箋未春楊柳眼先青。翥飛葉縣郎官宰虹貫江南處。土星天子

文思求逆耳。吾宗一爲試雷霆。

登快閣

太和  
快閣在

癡兒了卻公家事。快閣東西倚晚晴。落木千山天遠大。澄江一  
道月分明。朱絃已爲佳人絕。青眼聊因美酒橫。萬里歸船弄長

笛。此心吾與白鷗盟。

題息軒

僧開小檻籠沙界。鬱鬱參天翠竹叢。萬籟參差寫明月。一家寥

落共清風蒲團禪板無人付茶鼎薰爐與客同萬水千山尋祖  
意歸來笑殺舊時翁

題安福李令朝華亭

丹楹刻桷上崢嶸表裏江山路一作略眼平曉日成霞張錦綺青  
林多露綴珠纓人如旋磨觀羣蟻田似圍碁據一杯對案昏昏  
迷簿領暫來登覽見高明

寄舒申之戶曹舒申之名卷之

吉州司戶官雖小曾屈詩人杜審言今日宣城讀書客還趨手  
板傍轅門江山依舊歲時改桃李欲開煙雨昏公退但呼紅袖  
飲剩傳歌曲教新翻

和七兄山積湯

廚人清曉獻瓊糜。正是相如酒渴時。能解飢寒勝湯餅。略無風味笑蹲鴟。打窗急雨知然鼎。亂眼睛雲看上匙。已覺塵生雙井椀。濁醪從此不須持。

弈碁二首呈任公漸

偶無公事負朝暄。三百枯碁共一樽。坐隱不知巖穴樂。手談勝與俗人言。簿書堆積塵生案。車馬淹留客在門。戰勝將驕疑必敗。果然終取敵兵翻。

偶無公事客休時。席上談兵校一作角兩碁。心似蛛絲遊碧落。身如蝸甲化枯枝。湘東一目誠甘一作堪死。天下中分尙可持。誰謂

吾徒猶愛日參橫。月落不曾知。

次韻吉老寄君庸

何郎生事四立壁。心地高明百不憂。白眼醉來思阮籍。碧雲吟罷對湯休。諸公著力書交上。尺璧深藏價未酬。空使君如巢幕燕。將雛處處度春秋。

寄袁守廖獻卿

公移猥甚叢生筍。訟牒紛如蜜分窠。少得曲肱成夢蝶。不堪衙吏報鳴鼉。已荒里社田園了。可奈春風桃李何。想見宜春賢太守。無書來問病維摩。

廖袁州次韻見答竝寄黃靖國再生傳次韻寄之

春去懷賢感物多，飛花高下罨絲窠。  
傳聞治境無戾虎，更道豐年鳴白鼉。  
史筆縱橫窺寶鉉，詩才清壯近陰何。  
寄聲千萬相勞

苦如倚胡牀，得按摩。

于寶作搜神記徐鉉作稽神錄廖君當有小說

袁州劉司法亦和子摩字詩，因次韻寄之。

袁州司法多兼局，日莫歸來印幾窠。  
詩罷春風榮草木，書成快劍斬蛟鼉。  
遙知吏隱清如此，應問卿曹果是何。  
頗憶病餘居士否，在家無意食蘿摩。

次韻奉答吉老竝寄何君庸

傾懷相見開城府，取意閑談沒白窠。  
但取吏曹無狡兔，任呼舞女伐靈鼉。  
屢中甕面酒，幾聖苦憶樽前人。  
姓何願得兩公俱，助

我不唯朱墨要漸摩

次韻奉答廖袁州懷舊隱之詩

詩題怨鶴與驚猿一幅溪藤照爵煙聞道省郎方結綬可容名  
士乞歸田嚴安召見天嗟晚賈誼歸來席更前何況班家有超  
固應封定遠勒燕然

觀王主簿家除臘

肌膚冰雪薰沈水百草千花<sub>比芳</sub>露溼何郎試湯餅日烘荀  
令炷爐香風流徹骨成春酒夢寐宜人入枕囊輸與能詩王主  
簿瑤臺影裏據胡牀<sub>冷齋夜話云詩人詠花多比美</sub>

次韻元翁從王夔玉借書



爲吏三年弄文墨草萊心徑失耕鋤常思天下無雙祖得讀人  
閒未見書公子藏山眞富有小儒捫腹正空虛何時管鑰入吾  
手爲理籤題撲蠹魚

去歲和元翁重到雙澗寺觀余兄弟題詩之篇總忘收錄  
病中記憶成此詩

素琴聲在時能聽白鳥盟寒久未尋眼見野僧垂雪髮養親原  
不願朱金開泉浸稻雙澗水煨笋充盤春竹林安得一塵吾欲  
老君聽莊舄病時吟

登巖上寄余洪範

二川卓水來集南康郡氣味相似相和流木落山明數歸鴈鬱

孤欄柝繞深。秋胸中瀟子吞。一后塵下庖丁解。十年他日欲言

人不解西風散髮掉扁舟。

史注云塵下疑是筆下

同韻和元明兄知命弟九日相憶二首

革囊南渡傳詩句。摹寫相思意象真。九日黃花傾壽酒。幾回青  
眼望歸塵。早爲學問文章誤。晚作東西南北人。安得田園可溫  
飽。長拋簪紱裹頭巾。

萬水千山厭問津。芭蕉林裏自觀身。鄰田雞黍畱熊也。風雨關  
河走阿秦。鴻鴈池邊照雙影。鶴鴿原上憶三人。年年獻壽須歡  
喜。白髮黃花映角巾。

阿熊阿秦當是山谷兄弟小字山谷兄弟五人長大臨字元明次庭堅字魯直次叔

獻次叔達字知命次仲熊字非熊卽此詩所謂熊也則阿秦可類推已

題槐安閣

竝序○東禪寺屬虔州山谷自太和考試南安過虔州作

東禪僧進文結小閣於寢室東養生之具取諸左右而足彼雖聞中天之臺百常之觀蓋無慕嫫之心予爲題曰槐安閣而賦詩夫據功名之會以嫫媠一世其與蟻邱亦有辨乎雖然陋蟻邱而仰泰山之崇嶺猶未離乎

俗觀也

曲閣深房古屋頭病僧枯几過春秋垣衣蛛網蒙窗牖萬象縱橫不繫畱白蟻戰酣千里血黃梁炊熟百年休功成事遂人閒世欲夢槐安向此遊

子範傲巡諸鄉捕逐羣盜幾盡輒作長句勞苦行李

白髮尉曹能挽弓。著鞭跨馬欲生風。乃兄本是文章伯。

子範之兄李觀

字夢符爲清江尉其文嘗爲歐陽公所稱此老真成墨鑠翁。枹鼓諧村省。警報牛羊

幾處莫牢空得公。萬戶開門臥看取。三年治最功。

### 喜太守畢朝散致政

膏火煎熬無妄災。就陰息迹信明哉。功名富貴兩蝸角。險阻艱

難一酒杯。百體觀來身是幻。萬夫爭處首先回。胸中元有不病

者。記得陶潛歸去來。萬夫爭處卽功名富貴處也

### 戲贈南安倅柳朝散

柳侯風味晚相見。衣袂頗薰荀令香。桃李能言妙歌舞。樽前一

曲斷人腸。洞庭歸客有佳句。庾嶺梅花如小棠。乘興高帆少相

待淮湖江月要傳觴

次韻君庸寓慈雲寺待韶惠錢不至

主簿看梅落雪中。閨人應賦首飛蓬。問安兒女音書少。破笑壺觴。夢寐同馬祖。峰前青未了。鬱孤臺下水如空。江山信美。思歸去聽我勞歌亦欲東。

馬祖峰在太和鬱孤臺在虔州時君庸在虔山谷在太和皆有思歸之意

次韻奉答存道主簿

主簿朝衣如敗荷。高懷千尺上松蘿。旅人爭席方歸去。秋水黏天不自多。學到會時忘粲可。詩留別後見羊何。向來四海習鑿齒。今日期君不啻過。

題神移仁壽塔

十二觀音無正面

僧伽至臨淮嘗臥賞跋氏家誰令塔戶向東

開定知四梵神通力。曾借六丁風雨推。蠅說冰霜如夢寐。鷄聞鐘鼓亦驚猜。從今不信維摩詰。斷取三千世界來。

送高士敦赴成都鈐轄

玉鈴金印臨參井。控蜀通秦四十州。日下書來望鴻鴈。江頭花發醉貔貅。巴滇有馬駒空老。林菁無人葉自秋。能爲將軍歌此曲。鳴機割錦與纏頭。

次韻漢公招七兄

白髮霏霏雪點斑。朱櫻忽忽鳥銜殘。公庭休吏進湯餅。語燕無人窺井欄。詩句多傳知有暇。道人相見不應難。老郎親屈延處

士風味依稀如姓桓

元注云桓沖禮處士劉驥之鄭粲甚厚

題李十八知常軒

身心如一。是知常事。不驚人味。久長蓋世功名。棋一局藏山文。字紙千張。無心海燕。窺金屋有意江鷗。傍草堂驚破南柯少時。夢新晴鼓角報斜陽。

次韻奉答吉鄰機宜

黠虜乘秋。屢合圍上書。公獨請偏師。庭中子弟芝蘭秀。塞上威名草木知。千里折衝深寄此。三衙虛席看除誰。與公相見清班在。仁祖從來築舊基。

送曹黔南口號

元符元年戊寅年五十四歲山谷以紹聖二年四月至黔州黔守曹譜字伯達待之

甚厚

摩圍山色醉今朝。試問歸程指斗杓。荔子陰成棠棣愛，竹枝歌是去思謠。陽關一曲悲紅袖，巫峽千波怨畫橈。歸去天心承雨露，雙魚來報舊賓僚。

清明

戊申廿四歲

佳節清明桃李笑，野田荒隴祇生愁。雷驚天地龍蛇蟄，雨足郊原草木柔。人乞祭餘驕妻妾，士甘焚死不公侯。賢愚千載知誰是，滿眼蓬蒿共一邱。

二月丁卯喜雨吳體爲北門畱守文潞公作

熙甯九年丙辰三十二歲

乘輿齋祭甘泉宮，遣使駿奔河岳中。誰與至尊分盱食，北門臥



鎮司徒公微風不動天如醉潤物無聲春有功三十餘年霖雨  
手淹留河外作時豐外集止此

漁父二首

熙甯元年戊申葉縣作。此下李彤補本。

秋風淅淅蒼葭老波浪悠悠白鬢翁  
范子幾年思狡兔呂公何處兆  
非熊天寒兩岸識漁火日落幾家收釣筒  
不困田租與王役一船妻子樂無窮  
草草生涯事不多短船身外豈知他  
蒹葭浩蕩雙蓬鬢風雨飄零一釣蓑  
春鮪出潛留客鱸秋葉遮岸和兒歌  
莫言野父無分別解笑沈江捐汨羅

古漁父

窮秋漫漫兼葭雨短榻休休白髮翁  
范子歸來思狡兔呂公何  
意兆非熊漁收亥日妻到市醉臥水痕船  
信風四海租庸人草  
草太平長在碧波中

與漁父前一  
首互有異同

題楊道人默軒

崇甯二年  
戎州作

炙手權門烈火炎冷溪寒谷反幽潛  
輕塵不動琴橫膝萬籟無  
聲月入簾秋後絲錢誰數得春餘  
蒼竹自知添客星異日乘槎  
去會訪成都人姓嚴

用幾復韻題伯氏思堂

治平二年  
二十二歲

夫子勤於籩伯玉洗心觀道得靈龜  
開門擇友盡三益清坐不  
言行四時風與蛛絲遊碧落日將槐影  
下隆墀天空地迴何處

竟歲計有餘心自知

贈別幾復

風驚鹿散豫章城邂逅相逢食楚華  
佳友在門忘燕寢故人發藥見平生  
祇今滿坐且樽酒後此夜堂還月明  
契闊愁思已知處西山影落莫江清

趙令許載酒見過

熙甯元年二十四歲

玉馬何時破紫苔南溪水滿綠徘徊  
買魚斫鱸須論網謂數網而論價  
言其賤也撲杏供盤不數枚廣漢威名知訟少  
平原樽俎費詩催草玄寂寂下簾幙  
稍得閑時公合來

和答趙令同前韻

人生政自無閑暇。忙裏偷閑得幾回。紫燕黃鸝驅日月。朱櫻紅杏落條枚。詩成稍覺嘉賓集。飲少先愁急板催。親遣小童鋤草徑。鳴騶早晚出城來。

趙令答詩約攜山妓見訪

晴波鷓鴣漾潭隈。能使遊人判不回。風入園林寒漠漠。日移宮殿影枚枚。未嘗綠蟻何妨撥。宿戒紅妝莫待催。缺月西南光景少。仍須挽擔一作取燭籠來。

次韻賞梅

安知宋玉在鄰牆。笑立春晴照粉光。淡薄似能知我意。幽閑不爲人芳。微風拂掠生春思。小雨廉纖洗暗妝。祇恐濃而一作施。

委泥土誰令解合反魂香

次韻答李端叔

元豐五年三十  
六歲太和作

喜接高談若飲冰風騷清興坐來增重尋伐木君何厚欲賦驪  
駒我未能山影北來浮匯澤松行東望際鐘陵相期爛醉西樓  
月緩帶憑欄濯鬱烝

戲題葆真閣

熙甯元年  
葉縣作

眞常自在如來性冒繁修持祇益勞十二因緣無妙果三千世  
界起秋豪有心便醉聲聞酒空手須磨般若刀截斷眾流尋一  
句不離兔角與龜毛

戲贈惠南禪師

惠南卽江西老禪號積翠  
菴清隱亦在分甯

佛子禪心若葦林此門無古亦無今庭前柏樹祖師意竿上風  
旛仁者心草木同霑甘露味人天傾聽海潮音胡牀默坐不須  
說撥盡爐灰劫數深

寄別說道

熙寧三年  
葉縣作

數行嘉樹紅張錦一派春波綠潑油回望江城見歸鳥亂鳴雙  
檣散輕鷗柳條折贈經年別蘆笛吹成落日愁雙鯉寄書難盡  
信有情江水尚回流

李大夫招飲

元祐三年  
祕書省作

欲遣吟人對好山莫天和雨醉憑欄座中雲氣侵人溼砌下泉  
聲逼酒寒紅燭圍棋生死急清風揮塵笑談閑更籌報盡不成

起車從厭厭夜已闌

南康席上贈劉李二君

元豐三年

伯倫酒德無人敵太白詩名有古風  
浪許薄才酬大雅長愁小戶對洪鐘  
月明如畫九江水天靜無雲五老峰  
此賞不疏真共喜登臨歸與俗言同

光山道中

治平四年赴葉縣作

客子空知行路難中田耕者自高閑  
柳條鶯嚙清陰裏楸樹蟬嘶翠帶閒  
夢幻百年隨逝水勞歌一曲對青山  
出門捧檄羞閑友歸壽吾親得解顏

過方城尋七叔祖舊題

元豐元年北京作叔祖諱注字夢升終南陽主簿方城屬唐州

壯氣南山若可排。今爲野馬與塵埃。清談落筆一萬字。白眼舉觴三百杯。周鼎不酬康瓠價。豫章元是棟梁材。眷然揮涕方城路。寇蓋當年向此來。

新息渡淮

京塵無處可軒眉。照面淮濱喜自知。風裏麥苗連地起。雨中楊樹帶煙垂。故林歸計嗟遲暮。久客平生厭別離。落日江南采蘋去。長歌柳惲洞庭詩。

初望淮山

風裘雪帽別家林。紫燕黃鸝已夏深。三釜古人干祿意。一年慈母望歸心。勞生逆旅何休息。病眼看山力不禁。想見夕陽三徑



裏亂蟬嘶罷柳陰陰三徑亂蟬指家林也

宿廣惠寺元豐七年赴德平作

鴉啼殘照下層城僧舍初寒夜氣清風亂竹枝垂地影霜乾桐葉落階聲不遑將母傷今日無以爲家笑此生都下苦無書信到數行歸鴈月邊橫

初至葉縣熙寧元年

白鶴去尋王子晉真龍得慕沈諸梁千年往事如飛鳥一日傾愁對夕陽遺老能名唐郡邑斷碑猶是晉文章浮雲不作苞桑計只有荒山意緒長

和答王世敬

文章年少氣如虹。肯愛閑曹一秃翁。絃上深知流水意，鼻端不  
怯迎斤風。燕堂淡薄無歌舞，鮭菜清貧祇韭蔥。慚愧伯鸞留步  
履，好賢應與孟光同。

陳氏園詠竹

葉縣作

不問主人來看竹，小溪風物似家林。春供饋婦幾番笋，夏與行  
人百畝陰。直氣雖衝雲漢上，高材終恐斧斤尋。截竿可舉北溟  
釣，欲贈溪翁誰姓任。

哀逝

熙甯三年  
葉縣作

玉堂岑寂網蜘蛛，那復晨妝覲阿姑。綠髮朱顏成異物，青  
天白日閉黃墟。人間近別難期信，地下相逢果有無。萬化  
途中能避

迨可憐風燭不須與

迎醕甫夫婦

公之妹適陳塑醕甫其字也

陳甥歸約柳青初夢隴纖纖忽可鉏望子從來非一日因人略不寄雙魚園中鳥語勸沽酒窗下日長宜讀書策馬得行休更

秣已令僮釋割生芻

河舟晚飲呈陳說道

西風脫葉靜林柯淺水扁舟閣半河落日遊魚穿鏡面中秋明月漲金波由來白髮生無種豈似青山保不磨勝事祇愁樽酒盡莫言爭柰醉人何

次韻任君官舍秋雨

牆根戢戢數蝸牛。雨長垣衣亭更幽。驚起歸鴻不成字。辭柯落葉最知秋。菊花莫恨開時晚。穀穗猶思晴後收。獨立搔頭人不解。南山用取一樽酬。

題樊侯廟二首

漢興豐沛開天下。故舊因依日月明。拔劍一危戲下酒。剖符千戶舞陽城。鼓刀屠狗少時事。排闥諫君身後名。曰淮陰倘相見。安能鞅鞅似平生。

門掩虛堂陰窈窈。風搖枯竹冷蕭蕭。邱墟餘意誰相問。豐沛英雄我欲招。野老無知惟卜歲。神巫何事苦吹簫。人歸里社黃雲莫。只有哀蟬伴寂寥。

和答任仲微贈別

元豐五年  
太和作

任君灑墨即成詩萬物生愁困品題清似釣船聞夜雨壯如軍  
壘動秋聲寒花籬脚飄金鈿新月天涯挂玉筥更欲少畱觀落  
筆須判一飲醉如泥

和仲謀夜中有感

葉縣作亦哀  
逝以後之詩

紙窗驚吹玉蹠變竹砌碎撼金琅璫蘭缸有淚風飄地遙夜無  
人月上廊愁思起如獨緒繭歸夢不到合歡牀少年多事意曷  
亂詩律坎坎同寒蠶

書睢陽事後

莫道睢陽覆我師再興唐祚匪公誰流離顛沛義不辱去就死

生心自知政使賀蘭非長者豈妨南入是男兒乾坤震蕩風塵  
晦愁絕宗臣陷賊詩一作時

漫書呈仲謀

葉縣作

漫來從宦著青衫秣馬何嘗解轡銜眼見人情如格五心知外  
物等朝三經時道上衝風雨幾日樽前得笑談賴有同僚慰羈  
旅不然吾已過江南過字疑當作返

登南禪寺懷裴仲謀

茅亭風入葛衣輕坐見山河表裏清歸燕略無三月事殘蟬猶  
占一枝鳴天高秋樹葉公邑日莫碧雲樊相城別後寄詩能慰  
我似逃空谷聽人聲

次韻答任仲微

元豐五年  
太和作

邂逅相逢講世盟  
諸任尊行各才名  
交情吾子如棠棣  
酒碗今秋對菊英  
高論生風搖麈尾  
新詩擲地作金聲  
文章學問嗟予晚  
深信前賢畏後生

夏日夢伯兄寄江南

葉縣作

故園相見略雍容  
睡起南窗日射紅  
詩酒一年談笑隔  
江山千里夢魂通  
河天月暈魚分子  
榭葉風微鹿養茸  
幾度白砂青影裏  
審聽嘶馬自搗箒

同孫不愚過昆陽

元注昆陽正屬葉縣  
卽光武破王尋之地

田園恰恰值春忙  
驅馬悠悠昆水陽  
古廟藤蘿穿戶牖  
斷碑風

雨碎文章真人寂寞神爲社  
堅壘委蛇女採桑拂帽村甯誇酒  
好爲君聊解一瓢嘗

寄頓二主簿時在縣界首部夫鑿后塘河

楊柳青青春向分遙知河曲萬夫屯  
侵星部曲隨金鼓帶月旌  
旗宿潛壘奮鍤如雲聲  
洶洶風埃成霧氣昏昏已令訪問津頭  
路行約青帘共一樽

次韻答蒲元禮病起

暖律溫風何處饒莫言先上綠楊條  
梢頭紅糝杏花發鬢面浮  
蛆酒齊銷吏事困人如縛虎君詩入手似聞韶  
直須扶病營春  
事老味難將少壯調



春祀分得葉公廟雙鳧觀

春將祠事出門扉宮殿參差繚翠微清曉風煙迷部曲小蹊桃杏挂冠衣葉公在昔真龍去王令何時白鶴歸糟魄相傳漫青史獨懷千古對容徽

送陳氏女弟至石塘河

富貴常多覆族憂賤貧骨月不相收獨乘舟去值花雨寄得書來應麥秋行李淮山三四驛風波春水一雙鷗人言離別愁難遣今日真成始欲愁

戲贈頓二主簿

酒不置

桐植客亭欣款曲

一作四海聲名習注簿

歌傾家釀勿徘徊

一作相逢才見酒樽開

百年中。半夜分去。一歲無多。春燈來。落白園林。須秉燭。能言桃李。聽傳杯。紅疏綠暗。明朝是。公事相過。得幾回。

孫不愚引開元故事請爲移春檻因而贈答

南陌東城處處春。不須移檻損天真。鬢毛欲白休辭飲。風雨無端祇誤人。鳥語提壺元自好。酒狂驚俗未應瞋。稍尋綠樹爲詩社。更藉殘紅作醉茵。

答和孔常父見寄

孔氏文章冠古今。君家兄弟況南金。爲官落魄人誰問。從騎雍容獨見尋。旅館別時無宿酒。郵筒開處得新吟。黃山依舊寒相對。豈有愁思附七林。

次韻伯氏謝安石塘蓮花酒

花蘂芙蓉拍酒醕。浮蛆相亂菊英新。寒光欲漲紅螺面。爛醉從歌白鷺巾。行樂銜杯常有意。過門問字久無人。王孫欲遣雙壺到。如入醉鄉三月春。

題雙鳧觀

飄蕭閱世等虛舟。歎息眼前無此流。滿地悲風盤翠竹。半叢寒日破紅榴。青山空在衣冠古。白鶴不歸空殿秋。王令平生樽酒地。千年萬歲想來遊。

從陳季張求竹竿引水入廚

井邊分水過寒廳。軒竹南溪仗友生。來釀百壺春酒味。怒流三

峽夜泉聲能令官舍庖廚潔未減君家風月清揮斧直須輕放手卻愁食實鳳凰驚

呈王明復陳季張

倦客西來厭馬鞍爲予休轡小長安陳遵投轄情何厚王粲登樓興未闌雪壓羣山晴後白月臨千里夜深寒少畱待我同歸去洛下林中斫釣竿

陳季張有蜀芙蓉長飲客至開輒翫去作詩戲之

翫花莫學韓中令投轄惟聞陳孟公客興不孤春竹葉年華全屬拒霜叢玄子蹙迫三秋盡青女摧殘一夜空著意畱連好風景非君誰作主人翁

再贈陳季張拒霜花二首

鼓盆莊叟賦情濃。天遣霜華慰此公。想見尙能迷蝶夢。移栽聞說自蠶叢。酒傾玉醖垂蓮盞。簇金盤下飭空秉燭欄邊連夜飲。全藤折與賣花翁。

倒著接籬吾素風。當時酩酊似山公。且看小檻新花藥。休泥他家晚菊叢。履笑千金延客醉。解醒五斗爲君空。歡娛盡屬少年事。白髮欺人作老翁。

送杜子卿歸西淮

雪意泔泔滿面風。杜郎馬上若征鴻。樽前談笑我方惜。天外淮山誰與同行望。村帘沽白蟻醉吟詩句入丹楓。一時真賞無人

共尙憶江南把釣翁

雪中連日行役戲書同僚

簡書催出似驅雞  
聞道飢寒滿屋嗝  
炙背宵眠梢袖火  
嚼冰晨飯薩波齏  
風如利劍穿狐腋  
雪似流沙飲馬嗝  
官小責輕聊自慰  
猶勝攬甲去征西

呈李卿

歌舞如雲四散飛  
東園籃轡去聲醉歸時  
細看春色低紅燭  
仰折花枝墜接籬  
仙李回風轉長袖  
野桃侵雨浸燕脂  
夜長晝短知行樂  
不負君家樂府詩

六月閏雨

熙寧七年  
北京作

湯帝咨嗟懲六事漢庭災異劾三公聖朝罪已恩寬大時雨愆  
期旱蘊隆東海得無冤死婦南陽疑有臥雲龍傳聞已減太官  
膳肉食諸君合奏功

既作閔雨詩是夕遂澍雨夜中喜不能寐起作喜雨詩

南風吹雨下田塍田父伸眉願力耕麩麥明年應解好簾櫳今  
夜不勝清直須洗盡焦枯意不厭屢聞飄灑聲黃卷腐儒何所  
用惟將歌詠報昇平

予既不得葉遂過洛濱醉遊累日

癯民見我亦悠悠木爨爨滿道周飛鳥已隨王令化真龍甯  
爲葉公畱未能洗耳箕山去且復吹笙洛浦遊舍故趨新歸有

分今人何處欲臧舟

曹村道中

元豐二年

作二年

嘶馬蕭蕭蒼草黃金

天雲物弄微涼瓜田餘蔓有荒隴梨子壓

枝鋪短牆明月風煙

如夢寐平生親舊隔湖湘行行秋興已孤

絕不忍更臨山夕陽

替字有字疑誤

秋懷二首

熙寧八年

作八年

秋陰細細壓茅堂吟

蟲啾啾昨夜涼雨開芭蕉新開舊風撼簷

簷宮應商砧聲已急

不可緩檐景旣短難爲長狐裘斷縫棄牆

角豈念晏歲多繁霜

茅堂索索秋風發行

遶空庭紫苔滑蛙號池上晚來雨鵲轉南



枝夜深月翻手覆手不可期一死一生交道絕湖水無端漫白  
雲故人書斷孤鴻沒

次韻伯氏寄贈蓋郎中喜學老杜詩

元豐二年  
北京作

老杜文章擅一家國風純正不欹斜帝闈悠邈開關鍵虎穴深  
沈樣爪牙千古是非存史筆百年忠義寄江花潛知有意升堂  
室獨抱遺編校舛差

蓋郎中惠詩有二強攻一老不戰而勝之嘲次韻解之

詩翁琢句玉無瑕淡墨稀行秋鴈斜讀罷清風生麈尾吟餘新  
月度檐身自知拙學無師匠要且強

一作  
狂

言遮眼花筆力有餘

先示怯真成句踐勝夫差

雨晴過石塘留宿贈大中供奉

長虹垂地若篆字晴岫插天如畫  
屏耕夫荷鋤解襜褕漁父曬  
網投笊簪子期聞笛正懷舊車  
盾當窗方聚螢獨臥蕭齋已無  
月夜深猶聽讀書聲

次韻奉和仲謨夜話唐史

貞觀規模誠遠大開元宗社半存亡  
才聞冠蓋遊西蜀又見干戈暗洛陽  
哲婦乘時傾嫡后大闡當國定儲皇  
傷心不忍前朝事願作元龜獻未央

答龍門潘秀才見寄

熙甯四年  
葉縣作

男兒四十未全老便入林泉真自豪  
明月清風非俗物輕裘肥

馬謝兒曹山中是處有黃菊  
洛下誰家無白醪  
想得秋來常日醉伊川  
清淺石樓高

寄張仲謀次韻

風力蕭蕭吹短衣  
茅檐霜日淡暉暉  
天寒塞北鴈行落  
歲晚大梁書信稀  
湖稻初舂雲子曰  
家雞正有藥頭肥  
割鮮炊黍廬前約  
公事可來君不違

客自潭府來稱明因寺僧作靜照堂求予作

客從潭府渡河梁  
藉甚傳誇靜照堂  
正苦窮年對塵土  
坐令合眼夢湖湘  
市門曉日魚蝦白  
鄰舍秋風橘柚黃  
去馬來舟爭歲月  
老僧元不下胡牀

飲韓三家醉後始知夜雨

醉臥人家久未醒，偶然樽俎對青燈。  
兵廚欲罄浮蛆蠶，饋婦初供醒酒冰。  
元注云予嘗醉後字水晶餚只見眼前人似月，豈知  
簾外雨如繩。浮雲不負青春色，未覺新詩減杜陵。

張仲謨許送河鯉未至戲督以詩

浮蛆玢玢動春醅，張仲臨津許鱸材。  
鹽豉欲催蓴菜熟，霜鱗未貫柳條來。  
日晴魚網應曾曬，風軟河冰必暫開。  
莫誤小窗占食指，仍須持取報章回。

和答張仲謨泛舟之詩

雲容天影水中搖，分坐船舷似小橋。  
聯句敏於山吐月，舉觴疾

甚海吞潮興來活鱗牛心熟醉罷紅鑪鳴腳焦公子翩翩得真  
意馬蹏塵裏有嘉招

食瓜有感

暑軒無物洗煩蒸百果凡材得我憎  
蘚井筠籠浸蒼玉金盤碧筍薦寒冰  
田中誰問不納履坐上適來何處蠅  
此理一杯分付與我思明哲在東陵

食瓜者先以井水浸之或以竹籠置井中蒼玉喻瓜之皮寒冰喻瓜之瓤也

道中寄公壽

坡陁羸馬莫雲昏苦憶兔園高帝孫  
子舍芝蘭皆可佩後房桃李總能言  
鞦韆門巷火新改桑柘田園春向分  
病酒相如在行役梁王誰與共清樽

去賢齋

熙甯四年  
葉縣作

爭名朝市魚千里。觀道詩書豹一斑。未俗風波尤浩渺。古人廉  
陛要躋蟻。蟻怒當車轍。鸚鵡能言著鎖關。願我安知賢者  
事。松風永日下簾間。

粹老家隔簾聽琵琶

元豐二年  
北京作

馬卿勸客且無嗔。請以侍兒臨酒樽。妝罷黃昏簾隔面。曲終清  
夜月當軒。絃絃不亂撥。來往字字如聞人。語言千古胡沙埋妙  
手。豈如桃李在中園。

道中寄景珍兼簡庾元鎮

熙甯五年  
北京作

傳語濠州賢刺史。隔年詩債幾時還。因循樽俎疏相見。棄擲光

陰祇等閑心在青雲故人處身行紅雨亂花閒遙知別後多狂  
醉惱殺江南庾子山

次韻景珍醑醪

莫惜金錢買玉英擔頭春老過清明天香國豔不著意詩社酒  
徒空得名及此一時須痛飲已拚三日作狂醒濠州園裏都開  
盡腸斷蕭蕭雨打聲

呈馬粹老范德孺

元豐二年  
北京作

穎上相逢杏始青爾來瓜瓞有新耕四時爲歲已中半萬物得  
秋將老成日永清風搖麈尾夜關飛雪落棊枰兩廳未覺過從  
數政以疏頑累友生

雨過至城西蘇家

元祐元年  
秘書省作

飄然一雨灑青春。九陌淨無車馬塵。  
漸散紫煙籠帝闕。稍回晴日麗天津。  
花飛衣袖紅香溼。柳拂鞍韉綠色勻。  
管領風光唯痛飲。都城誰是得閑人。

謝仲謀示新詩

贈我新詩許指瑕。令人失喜更驚嗟。  
清於夷則初秋律。美似芙蓉八月花。  
采菲直須論下體。鍊金猶欲去寒沙。  
唐朝韓老誇張籍。定有雲孫作世家。

紅蕉洞獨宿

熙寧三年  
葉縣作

南牀高臥讀逍遙。眞感生來不易銷。  
枕落夢魂飛蛺蝶。燈殘風



雨送芭蕉永懷玉樹埋塵土何異蒙鳩挂葦苔衣笮妝臺蛛結  
網可憐無以永今朝

春雪呈仲謀

暮雪霏霏若散鹽須知千隴麥纖纖夢闌半枕聽飄瓦睡起高  
堂看入簾剩與月明分夜砌卽成春酒滴晴檐萬金一醉張公  
子莫道街頭酒價添

和答劉太博攜家遊廬山見寄

元豐三年赴  
太和道中作

緩纒松陰不起塵嵐光經雨一番新遙知數夜尋山宿便是全  
家避世人落日已迷煙際路飛花還報洞中春可憐不更尋源  
入若見劉郎想問秦

次韻伯氏戲贈韓正翁菊花開時家有美酒

鬢髮斑然潘騎省。腰圍瘦盡沈東陽。茶甌屢煮龍山白酒椀。希逢若下黃烏角巾邊。簪釵紅銀杯面凍糖霜。會須著意憐時物。看取年華不久芳。

答李康文

才甫經年斷來往。逢君車馬慰秋思。幽蘭被逕聞風早。薄霧乘空見月遲。每接雍容端自喜。交無早晚在相知。深慙借問談經地。敢屈康成入絳幃。

送彭南陽

南陽令尹振華鑣。三月春風困柳條。攜手河梁愁欲別。離魂芳

草不勝招壺觴調笑平民訟賓客風流醉舞腰若見賢如武侯者爲言來仕聖明朝

送鄧慎思歸長沙

鄧侯過我解新鞵潦倒猶能似舊時西邑初除折腰尉南陔常詠采蘭詩姓名已入飛龍榜書信新傳喜鵲知何日家庭供一笑綠衣便是老萊衣

景珍太傅見示舊倡和蒲萄詩因而次韻

映日圓光萬顆餘如觀寶藏隔蝦鬚夜愁風起飄星去曉喜天晴綴露珠宮女揀枝模錦繡論一作師持味比醍醐欲收百斛供春釀放出聲名壓酪奴

喜念四念八至京

元豐八年

阿熊念八年都下改官時作念四郎人諱仲堪字覺民公從弟

朔雪蕭蕭映薄幃。夢回空覺淚痕稀。驚聞庭樹烏烏樂。知我江湖鴻鴈歸。拂榻喜開姜季被。上堂先著老萊衣。酒樽煙火長相近。酬勸從今更不遲。

和呂祕丞

元豐二年北涼作

北海尊中忘日月。南山霧裏晦文章。清朝不上九卿列。白髮歸來三徑荒。車轍馬蹏疏市井。花光竹影照門牆。人間榮辱無來路。萬頃風煙一草堂。

次韻子高卽事

詩禮不忘他日問。文章未覺古人疏。青雲自致屠龍學。白首同

歸種樹書綠葉青陰嘯鳥下游絲飛絮落花餘無因常得杯中  
物願作鴟夷載屬車

次韻寄藍六在廣陵

崇甯二年自  
鄂赴宜州作

聖學相期滄海頭當時各倚富春秋班揚文字初無意滕薛功  
名自不優焦尾朱絃非眾聽南山白石使人愁傳聲爲向揚州  
問相憶猶能把酒不

再和寄藍六

南極一星淮上老承家令子氣橫秋萬端祇要稱心耳五鼎何  
如委吏優海燕催歸人作社江花欲動雨含愁已思二十年前  
會棠棣飄零歎鄂不

戲書效樂天

葉縣作

造物生成嵇叔嬾，好人容縱接輿狂。  
鳥飛魚泳隨高下，蟻集蜂衙聽典常。  
母惜此兒長道路，兄嗟子弟困冰霜。  
酒壺自是華胥國，一醉從他四大忙。

講武臺南有感

北京作有感者哀逝也

月明猶在搭衣竿，曉躡臺南路屈盤。  
騶子雨中先馬去，村童煙外倚牆看。  
鴉嚙宰木秋風急，鷺立漁船野水乾。  
花似去年堪折贈，插花人去淚闌干。

按此詩亦載東坡集小異

孫不愚索飲九日酒已盡戲答一篇

滿眼黃花慰索貧，可憐風物逐時新。  
范丹出後塵生釜，郭泰歸

來雨墊巾偶有清樽供壽母遂無餘瀝及他人年豐酒價應須賤爲子明年作好春

辱粹道兄弟寄書久不作報以長句謝不敏

病癖無堪吾嬾書交親情分豈能疏深慚煙際兩鴻鴈遺我晉中雙鯉魚故國青山長極眼今年白髮不勝梳幾時得計休官去筍葉裹茶同趁虛

秋思

椎牛作社酒新篘扶老將兒嬉隴頭木落人家見雞犬曉寒溪口在汀洲無功可佩水蒼玉卒歲空思狐白裘身到楚儉非屈宋顧慙疏嬾作悲秋

希仲招飲李都尉北園

元豐二年  
北京作

曉踏驪駒傍古牆。北園同繫紫游韁。主人情厚杯無算。別館春深日正長。楊柳陰斜移坐晚。酴醾花暗染衣香。夜深恐觸金吾禁。走馬天街趁夕陽。

贈謝敞王博諭

北京作

高哉孔孟如秋月。萬古清光仰照臨。千里特來求驥馬。兩生於此敵南金。文章最忌隨人後。道德無多祇本心。廢軫斷弦塵漠漠。起予惆悵伯牙琴。

和答郭監簿詠雪

北京作

細學梅花落。晚風忽翻柳絮下。春空家貧無酒。願鄰富官冷有。



田知歲豐夜聽枕邊飄屋瓦夢成江上打船蓬覺來幽鳥語聲  
樂疑在白鷗寒葦中

題司門李文園亭

白氏草堂元自葺陶公三徑不教荒青蕉雨後開書卷黃菊霜  
前碎鷓鴣袞落日看山凭曲檻清風談道據胡牀此來遂得歸休  
意卻莫翻然起相湯

南屏山

治平三年丙午二十三歲

巖積藍光刻削成主人題作正南屏身更萬事已頭白相經百  
年終眼青烟雨數峰當隱几林塘一帶是中庭紅塵車馬無因  
到石壁松門本不扃

七臺峰

欲雕佳句累層巒深愧揮斤斲鼻端作者七人俱老大昂藏卻  
立古衣冠千年避世朝市改萬籟入松溪澗寒我有號鍾鎖蛛  
網何時對汝發清彈三四句以七人比山之七峯

疊屏巖

篔竹參天無人行來遊者多蹊自成石屏重疊翡翠玉蓮蕩宛  
轉芙蓉城世緣遮盡不到眼幽事相引頗關情一爐沈水坐終  
日喚夢鷓鴣相應鳴

靈壽臺

藤樹誰知先後生萬年相倚共枯榮層臺定自有天地鼻祖已

來傳父兄虎豹文章藏霧雨龍蛇頭角聽雷聲何時暫取蒼煙  
策獻與本朝優老成

蒼煙策謂竹之根節可作杖者優老成用孔光靈壽杖事

### 仙橋洞

橫閣晴虹渡石溪幾年鑰鎖鎮瑤扉洞中日月真長久世上功  
名果是非叱石原知牧羊在爛柯應有看棋歸若逢白鶴來華  
表識取當年丁令威

### 靈椿臺

固蒂深根且一邱少時常恐斧斤求何人比擬明堂柱幾歲經  
營江漢洲終以不才名四海果然無禍闔千秋空山萬籟月明  
底安得閑眠石枕頭

雲溪石

造物成形妙畫工。地形咫尺遠連空。蛟鼉出没三萬頃。雲雨縱橫十二峰。清坐使人無俗氣。閒來當暑起清風。諸山落木蕭蕭夜。醉夢江湖一葉中。

羣玉峰

洞天名籍知第幾。洞口諸峰蒼翠堆。雕虎嘯風斤斧去。飛廉吹雨曉煙回。日晴圭角升虹氣。月冷明珠割蚌胎。種玉田中飽春筍。仙人憶得早歸來。

夜觀蜀志

蓋世英雄不自知。暮年初志各參差。南陽隴底臥龍日。北固樽

前失箸時霸主三分割天下宗臣十倍勝曹丕寒爐夜發塵書  
讀似覆輸籌一局棋

行役縣西喜雨寄任公漸大夫

葉縣作

行役勞勞望縣齋心如枯井喜塵埃青燈簾外蕭蕭雨破夢山  
根殷殷雷新麥欲連天際好濃雲猶傍日邊來田歌已有豐年  
意令尹眉頭想豁開

戲題水牯菴

太和作

水牯從來犯稼苗著繩祇要鼻穿牢行須萬里無寸草臥對十  
方同一槽租稅及時王事了雲山橫笛月輪高華亭浪說吹毛  
劍不見全牛可下刀

癸亥立春日煮茗於石屯寺見庚戌中盛二十舅中叔爲

縣時題名歎此寺不日而成衰縣學弊而不能復太和

中叔風流映江左當年桃李自光輝看成佛屋上雲雨不忍學

宮荒蕪蔽人物深藏青白眼官聯曾近赭黃衣蛛絲柱後惠文

暗憔悴今乘別駕歸第五句元注云中叔胸中人  
物了了而未嘗危言劇論

次韻答任仲微

伯氏文章足起家鴈行唯我乏芳華不堪黃綬腰銅印祇合清

江把釣車縮項魚肥炊稻飯扶頭酒熟臥蘆花吳兒何敢當倫

比或有離騷似景差

何主簿蕭齋郎贈詩思家戲和答之

牛八家詩集 卷五十三  
善吟閨怨斷人腸  
二妙風流不可當  
傅粉未歸嗔玉筍  
吹笙無伴澁銀簧  
睡添鄉夢客牀冷  
瘦盡腰圍衣帶長  
天性少情詩亦少  
羨他蕭史與何郎

南安試院無酒飲  
周道輔自贛上攜一榼  
時時對酌惟恐盡  
試畢僕夫言尙有餘樽  
木芙蓉盛開戲呈道輔

聞說君家好弟兄  
窮鄉相見眼俱青  
偶同一飯論三益  
頗爲諸生醉六經  
山邑已催乘傳馬  
曉窗猶共讀書螢  
霜花畱得紅妝面  
酌盡齋中竹葉餅

贈清隱持正禪師

葉縣作

清隱開山有勝緣  
南山松竹上參天  
擘開華岳三峰手  
參得淨

山九帶禪水鳥風林成佛事粥魚齋鼓到江船異時折腳鐺安穩更種平湖十頃蓮

奉答固道

元豐六年癸亥太和作  
以下緝香堂本別集

平生湖海魚竿手強學來操製錦刀末俗相看終眼白古人不見想山高未乘春水歸行李儻得閑官去坐曹自是無能欲樂爾煩君錯爲歎賢勞

奉答聖思講論語長句

元豐六年癸亥太和作

簿領文書千筆秃公庭譴訟百蟲鳴時從退食須臾頃喜聽鄰家諷誦聲觀海諸君知浩渺學山他日看崇成暮堂吏退張燈火抱取魯論來講評



次韻清虛同訪李園

清虛謂王定國元豐乙丑作

年來高興滿尊絲，寒薄春風貽蕩時。  
稍見臙脂開杏萼，已聞香雪爛梅枝。  
老逢樂事心猶壯，病得新詩和更遲。  
何日聯鑣向金谷，擬追仙翼到瑤池。

次韻清虛

地遠城東得得來，正如湖畔昔銜杯。  
眼中故舊青常在，鬢上光陰綠不回。  
歸去汴橋三鼓月，相思梁苑一枝梅。  
我閑時欲從君醉，爲備芳醪更滿罍。

次韻清虛喜子瞻得常州

喜得侵淫動搢紳，愈音下報謫仙人。  
驚回汝水閒關夢，乞與江

天自在春卷畫初游冰欲泮浣花何處月還新涼州不是人間  
曲仁見君王按玉宸

次韻公秉子由十六夜憶清虛

元豐乙丑作

九陌無塵夜際天兩都風物各依然車馳馬逐燈方鬧地靜人  
閒月自妍佛館醉談懷舊歲齊宮詩思鎖今年但聞公子微行  
去門外驂駟立繡韉

和王明之雪

金母紫皇開壽域煉成天地一爐沙千花亂發春無耐萬井交  
光月未斜貧巷有人衣不續北窗驚我眼飛花歌樓處處催沽  
酒誰念寒生泣白華

與黔倅張茂宗

靜居門巷似烏衣，文采風流眾所歸。  
別乘來同二千石，化民曾寄十三徽。  
寒香亭下方遺愛，吏隱堂中已息機。  
暫與計司參婉畫，百城官吏借光輝。

史天休中散挽詞

光祿九男公，獨秀賦名幾。  
與景仁班淹，留州縣看恬默。  
出入風波笑險艱，遺愛蜀中三郡有。  
退身林下十年閑，山川英氣消磨盡。  
昨日華堂作土山。

宋夫人挽詞

崇甯癸未作

往歲塗宮暗碧紗，傾城出祖路人嗟。  
松栢峰下遷華寢，雪月光

中咽曉殆有子今爲二千石同州才數兩三家兒孫滿地厥衣  
舉不見歸時桃李華

四月末天氣陡然如秋遂御袂衣游北沙亭觀江漲

熙甯元年

葉縣作

沙岸人家報急流船官解纜正夷猶震雷將雨度絕壑遠水黏  
天吞釣舟甚欲去揮曲羽箠可堪更著紫茸裘平生得意無人  
會浩蕩春鉏且自由

十八家詩鈔卷二十三

善化黃維申襄校